

元亨釋書

廿三ノ廿四

了十ノ了

特別  
ハ4  
5587  
13





元亨釋書卷第二十三

濟北沙門

師鍊

遠書時院

撰

資治表四

起高野至承和合ノ七君

△高野皇帝 第四十八稱德 孝謙重祚

元年春正月癸巳天皇復位巳亥改元天平  
 神護夏四月秋七月冬十月納封戶于月削  
 寺道鏡為太師建西大寺鑄四天玉像  
 天平神護元年乙巳正月初一孝謙帝復

以地名為寺子又為姓

位去歲九月太師藤仲拒官師于近洲高  
嶋郡太師敗走乘扁舟浮湖而逃大將軍  
涼大向竹生嶋誓曰普天之下莫非王土  
率土之濱莫非王民今名山大川皆各有  
神鎮護王國彼竹生嶋神若有靈乞發神  
力加助皇威于時東風俄起吹惠美舟著  
高嶋濱遂誅惠美涼大廻闕奏事教授神  
朝請大夫正月初七因茲改元帝建西大  
寺鑄四天王銅像一像不成改鑄六度未

從五位上

成帝幸治所誓以玉手攪洋銅像乃成是

歲當代宗永泰元年也

帝雖女主有丈夫志氣如斯

二年春夏秋七月造丈六佛像于伊勢大神  
寺九月大直足山授朝散大夫冬十月移隅  
寺舍利于法華寺道鏡轉法皇位天皇感舍  
利

神護二年九月豫州人足山以私稻七萬  
七千八百束田百畝納國分寺帝擢大夫  
十月隅寺毗沙門像所現舍利移法華寺

供養幡蓋導從儀服甚麗此日道鏡受法  
皇位曷為書轉譏曷為譏不定也曷為不  
定鏡之位不定也癸卯詔曰朕發菩提心  
感舍利三粒此歲加律師不書微也

三年春正月修吉祥懺于天下國分寺二月  
天皇答書于泰澄和尚夏六月凡直伊賀授  
朝請大夫秋八月癸巳改元神護景雲設僧  
齋于西宮冬十有二月置法皇宮司  
神護景雲元年正月國分寺吉祥懺各一

七日祈豐稔也二月皇書見泰澄事中六  
月藝州人伊賀私稻二萬束牛六十頭納  
西大寺為朝請大夫八月參州奏慶雲見  
齋沙門六百人于西宮而改元十一月詔  
曰傳聞僧尼齋供粗淡自今宜加鹽梅濃  
厚十二月圍興為法臣基真法諫議

四年春正月修御齋會于大極殿夏六月造  
彌勒淨土于西大寺秋冬十月幸長谷寺納  
封戶于西大寺比丘尼法戒法均賜官十有

二月竄其真于飛州

景雲二年十月幸長谷寺而納田西大之  
封二百戶也戒尼銀青光祿大夫均尼大  
中大扶<sup>從四位上</sup>十二月基真作毗沙門像密置舍  
利詐為像所現道鏡又偽為已瑞眩惑眾  
庶詐偽已露故有此貶<sup>敗</sup>  
五年春正月道鏡受朝夏秋七月戶部尚書  
和清奉使宇佐神祠納封戶于土師寺冬  
景雲二年正月初二道鏡居西宮前殿受

百僚朝賀七月初大宰主神阿曾矯八幡  
大神託曰道鏡登極天下太平蓋阿曾諂  
媚於鏡也鏡聞之偽喜於是帝夢八幡大  
神告曰我國家開闢以來天日皇緒無移  
繼統比來孽臣邪神淫祀妖言帝其無撼  
早掃除之因茲帝敕和清詣宇佐宮祠親  
聽神令神託如夢清重白言是國家大事  
也託夢相合雖無可疑願見神靈以決餘  
惑大神乃現形長可三尺色若滿月清心

身感動不敢正見大神曰神有大小善惡不必一也善神惡淫祀惡神受邪幣道鏡貶邪幣於群邪行權譎於佞黨百計千祭貪求天位於此乎善惡二神率師交戰邪強正弱惡多善少我已困羸殆乎難當仰憑佛力扶護皇運汝其迴闕須奏造佛像寫大藏又轉取勝王經一萬部建一伽藍邪神銷沮社稷革固汝承我言莫有遺失清還都具奏之鏡大怒解清官爵竄隅州

清路字佐告訴神曰勿怖也託賜綿帛六年春二月壞西大寺塔礎夏四月造小塔百萬秋七月轉大般若經于京寺停酒肉干天下八月癸巳天皇崩竄道鏡冬

景雲四年西大寺塔礎徑丈餘厚九尺飯盛山石也初役夫數千日行數步時時鳴聲已而加鑿削築基趾于時巫屬曰此石靈恐有禍救積薪其上焚之灌以酒三十斛石碎片散道傍不幾帝不豫卜石為

崇敕拾片石積淨地今寺之東南隅片塊  
石是也四月造三級小塔高四寸五分闊  
三寸五分凡一百萬徃惠美之逆所誓也  
七月轉般若停肉酒者攘災變也八月初  
四帝崩太子攝政令曰道鏡師隱慮已形  
罪當大辟然而先皇所厚且從輕恕任造  
下野州藥師寺使

△光仁皇帝 第四十九

元年春正月改元寶龜公驗復禮部三月置

威儀法師復四月秋八月鑄僧綱及十二大  
寺印冬十月

寶龜元年辛亥正月不書即位去歲十月  
初一也帝天智之孫志貴王子第六子也  
景雲四年八月肥後州獻靈龜因茲即位  
日改元今之元正者孝德之例也初天平  
神護元年以來僧尼度緣用道鏡印今茲  
正月復禮部省三月威儀師依僧綱請也  
八月鑄印其十二寺者大安藥師東大興

福新藥師元興法隆弘福四天王崇福法  
華西隆等寺各置印於本所是歲當大曆  
六年

二年春三月置十禪師夏秋冬

寶龜二年三月詔曰禪師秀南廣遠延秀  
延慧首勇法淨法義尊教承興光信或智  
定可貴或慈行有名官賜供給永終其身  
時稱為十禪師其後有關撰名德補之  
三年春正月戊寅立皇太子三月置內供奉

夏秋冬十有一月納田子行基菩薩故院僧  
正良辨寂僧階配官位

寶龜三年正月山部皇子為太子初金吾  
將軍百川私語等定法師曰安得法力加  
山部親王登帝位定諾乃取親王長作梵  
王帝釋二像供修之至此擢上儲位三月  
六日敕天下諸州擇智行精修比丘為內  
供奉割官稅充資糧十一月詔曰故大菩  
薩行基戒行具足智德惟備其營建之院



四十餘處先朝之日多賜莊田但其六院  
未有息給和州菩提登美生馬內州石凝  
山埒泉州高渚宜賜田畝所希真詮秘典  
永浴東方金輪寶位恒齊北極風雨順時  
年穀豐稔又教曰僧正准從四品僧都正  
五品律師從五品

朝散大夫

大中大夫

四年春夏四月念摩訶般若干天下秋冬  
寶龜四年四月教曰傳聞諸州疫發朕君  
臨宇內于育黎元念此災厲寤寐為勞夫

摩訶般若波羅蜜者諸佛之母也天子念  
之則兵戈災害不入國中庶人念之則疾  
疫厲鬼不入家內憑茲善利救彼短折宜  
告天下起坐行出念摩訶般若

五年

寶龜五年

六年春夏五月轉大般若經于宮中納封戶  
于招提寺秋冬

寶龜六年五月召沙門六百人于宮中讀  
大般若經攘災也播州戶五十納招提寺

七年春三月轉大般若經于宮中夏秋冬十  
有二月轉金剛般若經于國分寺僧都慈訓  
寂

寶龜七年三月六百人大般若攘宮怪也  
十二月國分寺金剛般若攘井上廢皇后  
及他戶皇子母子靈崇也此歲悉訓僧都  
卒

八年

寶龜八年

九年春夏秋七月納封戶千秋篠寺冬

寶龜九年九月秋篠寺封百戶也

十年春正月京師數寺災三月行道于東大  
寺雲州獻異像夏六月納封戶于西隆寺秋  
冬納封戶于妙見寺

寶龜十年三月東夷叛救東大寺行道三  
七日歷夷也不幾獻四唐也八十六人雲州海  
濱銅像浮浪來并香爐諸器刺史取獻書  
曰異像

十有一年春正月辛酉改元天應夏四月辛

卯天皇禪位于皇太子後謚光仁六月金紫  
光祿大夫石宅嗣卒秋冬

上三位

天應元年正月初一改元四月初三太子  
受禪六月石光祿薨光祿篤歸佛乘嘗捨  
舍為寺名阿闍寺因而安像奉焉寶字中  
為遣唐大使謁諸名德歸朝於寺東南隅  
營一宇居焉曰芸亭院亭東北構方丈室  
孤坐一床觀修終日或有講席必預聞置  
外書於芸亭作記略曰內外之門元是一

春秋之法  
三公以書

道道衰人下或釋或儒僕捨家為寺歸心  
久矣為助內典加置外書庶同志者無滯  
空有兼忘物我開編解快同出塵累不公  
不書何書光祿深我也

△桓武皇帝 第五

元年春正月夏四月修仁王會秋八月己巳  
改元延曆冬十月納封戶于妙見寺于西大  
寺十有二月百僚入于大安寺

延曆元年壬戌正月不書即位去歲四月

初三也。帝光仁長子諱山部。四月十四仁  
王會一代之會也。八月改元十九也。十二  
月百司赴大安寺營上皇周忌齋。是歲當  
德宗建中三年也。

二年春三月右僕射藤田薨。夏五月宇佐大  
神託名。六月禁私建寺。秋七月藤魚名薨。冬  
十有一月正梵唄。十有二月禁質寺地納封  
戶。干璉城寺。

延曆二年三月藤僕射薨。僕射歸鑑真又

矣。嘗受菩薩戒。五月八幡大神託曰。我無  
量劫來。化生於三有。修善巧方便。濟度諸  
衆生。我名曰大自在王菩薩。六月救曰。京  
畿定額諸寺。有定數。自今禁民間私營寺  
院。有司按察。七月左官右僕射藤魚名薨。  
嘗於平城建萬葉寺。又於額田寺。每年安  
居行道奉佛甚勤。以謫不官。以公書薨。又  
渥我也。十一月救曰。梵唄讚頌。雅音正韻。  
以則真乘。以警俗耳。比來僧尼讚唱動則

哀蕩叫吟曲折万態似術伎藝頗近鄭衛  
有司徃諸寺告戒監唱十二月敕曰比來  
禁貧民質家地園圃今聞民間已止僧寺  
猶盛率法貪利蔑官慢令既為出塵之形  
還作在纏之舉有司嚴加檢校  
三年春夏秋冬十有一月戊申遷都山州長  
崗城

延曆三年十一月遷都十一也  
四年 延曆四年

五年春正月建梵釋寺夏秋冬

延曆五年正月創梵釋寺于近州此歲律  
師為六真

六年 延曆六年

七年春夏四月僧階配官位五月納封戶于

梵釋寺秋冬

延曆七年四月禮部牒曰僧階有五位入  
位任位滿位法師位太後師位今配官位  
知階差無位當八位入七住六滿五法師

行也 近來位 有九品 位者 有朝階

四大法師三三綱其悉焉五月梵釋之封

總越三州各五十戶

八年

延曆八年

九年

延曆九年

十年

延曆十年

十有一年春正月給供干頭陀所賜度子山

背秦氏夏秋冬納田于梵釋寺

延曆十一年正月沙門施曉奏曰竊以真

理無二帝道惟一敷化之門雖異覆載之

功乃同故衛護萬邦唯資於佛化弘隆三

寶靡非帝功又夫沙門釋子三界放人離

家離鄉無親無族或坐山林而求道或蔭

松栢而思禪雖有避世出塵之操不忘護

國利人之行而粮粒罕得飢餓常切伏望

本州國分之供分給彼所然則緇徒得不

虞而修聖恩有弗督而化制可又奏曰山

背之民秦氏及女某某三十一人自去實

龜三年迄今每歲春秋悔過修練其精誠

寔可憐伏願天慈賜度又旌善之一化也  
制可是歲田一千畝納梵釋寺

十有二年春正月沙門賢璟及官使相平安  
城都地夏秋冬

延曆十二年正月詔御史大夫藤小黑尚  
書左丞紀古佐美及賢璟視新城之地璟  
師此行我門不屑曷為書褒曷為褒褒璟  
師公才也公才我門何有公才我門一化  
也

十有三年春夏秋冬十月辛酉遷都山州平

安城

延曆十三年十月遷都二十一也

十有四年春夏秋九月置十禪師子梵釋寺  
而納甲戶冬

延曆十四年九月敕曰真教有屬隆其業  
者人王法相無邊闡其要者佛子朕位膺  
四大情存億兆導國齊禮雖遵有國之規  
妙果勝因思弘無上之道是以披山水之

域中有四  
天王者詳  
老子經域  
中四大  
道大天大  
地大王亦大

淮南子以皇帝  
王而朝於立步  
驛馳蓋明道  
之自微至者也

名區草創禪地盡土木之妙製莊嚴伽藍  
名曰梵釋寺今置禪師十員三綱在其中  
納近州田千畝越州封五十戶以充寺供  
修造之費所真運邁馳驟永流正化時變  
陵谷恒崇仁祠以茲良因普覃一切上奉  
七廟臨法界而增尊下及萬邦登壽域而  
洽慶

十有五年春復秋冬建東寺

延曆十五年創東寺大中大夫藤伊勢人

單創東寺

為造寺使

十有六年春正月釋善珠擢僧正復秋冬

延曆十六年初早良太子與黃門侍郎藤

種繼有郤四年八月帝如平城發齋宮公

主赴勢州種繼為守宮太子黨又射種繼

于燭下斃事覺正月太子廢將受弒太子

使使諸寺預修白業諸寺恐而拒之獨善

珠納焉謂使者曰太子夙殃不盡今受嚴

譴此度回債焉又幸也乞勿結怨矣委曲



逆鱗  
竟之為休  
有頃志別  
領下之辨  
逆立之王著  
翁竟故系

示諭詞旨激切。使者復命。太子喜曰。我聞  
師言披忍辱衣。以故不怕逆鱗之怒。目太  
子幽死。其靈惱逼皇太子。醫巫不効。救珠  
持念珠語太子曰。昔聞貧道言曰。已披忍  
辱衣。今何有乏乎。乃廣說法要言。未畢太  
子病愈。正月十六為僧正。

十有七年春夏四月改度科。六月定十大寺。

秋冬

延曆十七年四月。敕曰。雙林西變。三乘東

流明。譬炸燈。慈同舟。揖是以弘道持戒事  
資真僧。濟世化人。貴在高德。而年度者。例  
而勿取童。頗習二經之文。未委三學之趣。  
苟避課役。纔黍緇徒。還棄戒法。頓廢修業。  
形似入道。行同在家。鄭瑛成嫌。齊竿相濫。  
言念迷途。寔合改轍。自今以後。度者宜擇  
年三十五以上。操履已定。智行可崇。兼習  
正音。堪為僧者。充之。每歲十二月以前。僧  
綱有司。擇有業者。相對簡試。所習經論。披

試大義十條取通五已上者具狀申官至  
期令度其受戒之日更加審試通八以上  
令得受戒又沙門之行護持戒律苟乖斯  
道豈曰佛子而今不崇勝業或事生產周  
旋閭里無異編戶衆庶以之輕慢聖教由  
此陵替非只黷亂真諦同亦違戾國典自  
今以往如是之輩不得往寺凡有齋會莫  
關法筵三綱知而不糾者罪並按若有改  
過修行者聽歸住使夫住法之侶彌篤精

進之行歷道之徒更起慚愧之意六月定  
官寺十所大安元興弘興藥師四天王興  
福法隆崇福東大西大等也

十有八年 延曆十八年

十有九年 延曆十九年

二十年春夏四月復度科秋冬十月復維摩  
會于興福寺

延曆二十年四月敕曰去十七年度者去  
幼取壯者然性有敏鈍成有早晚局以壯

年恐失英彥自今聽取年二十已上三綱  
有司悉之十月維摩會復興福寺先或修  
長崗神足家或乎城法華寺故有此救  
二十有一年春正月遣禮部侍郎和入鹿裘  
沙門最澄講復秋九月詔跨海冬

延曆二十一年正月國子祭主和弘世屈  
大學頭 最澄法師於高尾寺講天台法門又延十  
餘名德帝使和禮部口宣曰昔者給孤長  
者降能仁於祇陀之苑常帝菩薩聞般若

於尋香之城是以和信士延二六之龍象  
設一會之法筵所以慧日增光禪河澄流  
一乘之玄猷始開區域三諦之微旨律被  
人天像季傳燈斯創軌躅隨喜法筵稱嘆  
功德九月詔曰最澄闍梨久居東山既探  
法華奧旨早踰西海宜傳天台教文唯其  
往還不得過期澄上表曰晉季法顯度流  
沙而求法唐初玄奘踰葱嶺以尋師並皆  
不限年數授受惟期是以熟習方言博傳

法藏唯寂澄此度求法往復有限又所求  
法文卷萬數百歷問諸州希遭其人况寂  
澄未學唐言亦暗譯語忽入異域恐煩述  
緒竊見沙彌義直少壯聰悟頗涉經論早  
習漢音粗知唐語天恩老義真為求法譯  
語不啻是行賴之兼令彼學加諸制可

二十有二年 延曆二十二年

二十有三年春正月開律講于招提寺夏五  
月嚴齋會度沙門空海赴唐秋七月沙門寂

### 澄赴唐冬

延曆二十三年正月招提寺沙門如寶奏  
曰當寺者天平寶字三年大唐鑑真和尚  
為聖武皇帝所建也爾來五十年雖肩律  
藏未有披講伏望賜省牒於寺傳講學于  
後制可五月庚寅詔曰正月齋會得度之  
輩理須舊年試才新歲得度而有司常致  
慢闕迄于會畢其名未定自今舊年十二  
月中旬以前試定申送其狀簡定之後不

聽改替

二十有四年春正月禁私賣寺夏五月沙門  
取澄至自唐秋八月表進顯密經書詔石川  
權生學于澄師冬十月度寫經生置諸列講  
師賜清水寺干諫議坂田村

延曆二十四年正月詔曰定額諸寺各書  
檀越姓名于寺記近聞檀家貧孫賣寺浮  
矯富民買為己寺不貴佛法恣用田地非  
唯蔑佛乘又還違國憲或聞民間隨其要

許贊賣寺院

害任情贊賣寺宇自今不許贊賣寺院八  
月取澄法師表進天台密教經疏五百卷  
及道具器物等帝大悅向有石川權生二  
禪師帝之所崇信長於澄也帝詔二人受  
澄學故其詔詞謙遜所謂內侍宣也十月  
寫大藏經薦崇道天皇其書生各有賞慕  
道者得度餘叙位是歲撰諸宗英才補諸  
州講師給官封也坂諫議營清水寺初二  
年禁私寺故敕賜之

崇道天皇早  
良太子謚也

二十有五年春正月定度科三月辛巳天皇崩謚桓武夏四月置安居講于天下寺刹六月度二百人秋八月禁官吏掠寺禁檀家管掠沙門空海至自角冬建八嶋寺而置度延曆二十五年正月詔曰年度者各依本業經疏中問大義十條通五條以上聽度下之者不得若闕其數許來歲加負省僧綱玄者詳加嚴察若怒于緩恐廢其業是朕之所以深懼也三月之崩十七也四月詔

十五大寺及國分寺創安居講仁王護國經立為式六月度男一百五十人女五十人薦先帝也八月詔曰營寺構院大小雖殊種德植功尊卑不異故天下大小寺宇其始檀越之者皆能納田畝充資產累世崇敬傳至雲仍近聞權豪官吏放逐檀胤改換僧職寺由刹園恣事侵掠朕九重深密或欠聽外事有司有知急奏不匿聽而不言罪在不赦又詔曰近聞天下寺院其

平城院自欽明至桓  
武者諡号大筒降  
死諡号只以所居地  
名称之不  
受支那之  
法故此書  
以即位年  
支那名是  
又支那  
一法也

檀越者管收寺產拒置知事寺之奴婢役  
過家僕寺之樹木斫為薪柴恣改三綱殆  
替一寺自今有一於此刺史三綱及大衆  
付有司奏達知而容隱罪不赦是歲山階  
地建八嶋寺勅天下分州租入別倉運納  
八島寺每歲置度者一人薦崇道天皇也

大同皇帝 号平城帝 日本根子天排国高彦尊

元年春正月改元大同夏四月秋七月冬十

月

大同元年丁亥正月不書即位去歲五月  
十八也帝桓武長子諱安殿即位日改元  
今立丁亥者孝德之例也是歲當憲宗死  
和二年也

二年 大同二年

三年春夏四月丙子天皇禪位千皇太弟秋  
冬

大同三年四月讓位初一也

△弘仁皇帝 第五十一号嵯峨天皇諱賀美野或神野二十四即位

元年春正月宮會賜度復四月秋九月甲子  
改元弘仁冬十月

弘仁元年庚寅正月不書即位去歲四月  
十三也帝桓武第二子諱賀美官中金光  
明會始啓天台年度光定等八人預焉九  
月改元二十七也是歲當元和五年也

二年 弘仁二年

三年春復四月禁僧尼寺男女互入秋冬十  
月僧尼過條順本法

有司  
尚書省  
之下司也

弘仁三年四月敕曰比來俗輩男女入僧  
尼院託干講聽屢有侵忤外似勝因內汗  
淨業自今禁男入尼寺女赴僧寺十月敕  
曰僧尼罪條隨律教不許有司勘掠因沙  
門忠芬奏也 是在世之法也

四年春正月御齋會置內論義二月復度緣  
夏秋冬

弘仁四年二月丙戌禮部省言古例僧尼  
出家之日授之度緣受戒之時給之公驗



勝寶以來受戒之日毀度緣停公驗只授  
十師戒牒今案於事有疑若不復古制恐  
致奸偽伏乞不毀度緣只其度緣自今以  
後僧用尚書省印尼用有司印至受戒時  
尚書省於度緣末注受戒年月并官僚著  
名以省印印之若有身亡或反俗者其度  
緣戒牒早上尚書省省年終申官毀之庶  
令姦人屏跡源流共澄制可

五年

弘仁五年

六年春復四月天皇幸崇福寺于梵釋寺

弘仁六年

七年春復秋冬十月殖稻于靈安寺

弘仁七年十月敕曰靈安寺徒有伽藍未  
修法事蓋因寺真產業也以官稻四千束  
納寺自今子母計利充春秋法事及修造

八年

弘仁八年

九年春夏五月解僧尼寺禁秋冬排新羅沙  
門干諸寺

寂澄築  
戒壇于春  
山

弘仁九年五月敕許男女入僧尼之院初  
三年有禁俗間愁廢勝業因茲解焉而令  
僧綱加嚴察是歲新羅沙門二十六人來  
排入諸寺

十年春三月定僧官自釋寂澄請築圓戒壇  
于睿山夏秋冬

弘仁十年三月澄公上表乞於台山建菩  
薩戒壇僧正著述方自性論護命等七師捧表拆之

十有一年春正月釋寂澄上顯戒論夏秋冬

十月釋空海賜傳燈大法師位

當今法眼位

弘仁十一年

十有二年 弘仁十二年

十有三年春二月釋寂澄賜傳燈大法師位

復六月癸亥釋寂澄寂國忌置台度秋冬

弘仁十三年六月尚書省劄曰傳燈大法

師位寂澄奏狀言夫如來制戒機宜不同

衆生發心大小各別所以文殊在廬上座

殊位一師十師羯磨各異伏乞聖慈天台

寂澄寂  
行年五十六  
佛滅度  
後大小  
各置聖僧  
大業者之殊  
也言善  
中比丘形者  
唯文殊並  
賢地歲而  
已三三  
中文殊差  
首故以文殊  
為聖位  
兼寺實  
豆廬也

大業後戒有和尚教授二師以和尚為本故三師

宗年分度者二人。每年春二月先帝國忌於比叡山依法華經得度受戒。自是一十二歲不聽下山。四種三昧專得修習。然則一乘戒定永傳寰區。山林精勤遠及塵劫。謹以上奏者被右僕射宣備奉救。宜依奏狀者。省宜承知。宣行之符到奉行。  
十有四年春正月賜東寺千沙門空海。三月尚書右中丞右中丞伴國道登睿山。夏四月戊戌釋義真行。大戒于睿山。辛巳天皇禪位于皇太

弟秋冬十有一月置密衆于東寺。

弘仁十四年去歲澄公乞國忌度于台山。故今茲令伴國道入延曆寺試度者。伴公善法事書官貴也。四月十四沙門義真於中堂行圓戒羯磨。義真之成先志。故書以姓氏上之。遜位者十七也。十一月初十以東寺為密場。置五十比丘習密。三藏三藏何大毗盧遮那金剛頂經等二百卷。密修多羅也。蘇婆呼經根本部等一百七十卷。

凡諸宗皆可有三藏  
秘宗未定  
法始定  
立之故云尔

齊毗那耶也。菩提心摩訶衍論等十一卷。密阿毗曇也。自今撰密學者五十頁。誦習密三藏無他宗雜住也。蓋正月賜東寺于海為密寺。至此置密學。依海奏也。

△天長皇帝 第五十三号淳和天皇

元年春正月乙卯改元天長。三月釋空海法。于神泉苑。夏四月秋七月冬十月釋義真。為延曆寺座主。

座主職  
自真始

天長元年甲辰正月不書即位。去歲四月

二十八也。帝桓武第三子諱木伴初五改元。此春不雨。三月二十六沙門守敏空海奉詔修請雨經法于神泉苑。事見空海傳中。上擢海僧都。不書徵也。密徒綱位自此始。此歲義真任天台座主。此職自真始。當穆宗長慶四年也。

二年 天長二年

三年 天長三年

四年春夏秋冬十有一月沙門護命為僧正。

天長四年

五年

天長五年

六年春復四月度一百人秋冬

天長六年四月詔曰傳聞比來諸州疫發百姓夭亡夫出家功德不可思議宜度百僧弭此凶禍庶幾納群生於仁壽致品物於中和

七年春夏秋冬十有二月修佛名懺禮于宮中

倭者初修式者立為永式也

天長七年十二月宮中有佛名懺禮靜安

八年

天長八年

九年

天長九年

十年春二月丙戌天皇禪位于皇太子復秋冬

天長十年二月受禪二十八也

△承和皇帝第五十四号仁明天皇

元年春正月乙卯改元承和置真言院于宮

中載

中夏四月秋九月僧正護命寂冬十月經三  
會講賜僧官

承和元年甲寅正月不書即位去歲三月  
初六也帝弘仁第二子諱正良初三改元  
眞言院後七日修法依空海奏也此歲詔  
曰自今經三會講師始任僧官三會何正  
月宮中御齋會三月藥師寺寂勝會十月  
興福寺維摩會也當文宗大和八年也  
二年春正月納功德料二百戶于東寺置密

空海寂定  
六十二歲

度三月丙寅釋空海寂定夏秋冬

承和二年正月沙門空海奏去弘仁十四  
年詔令眞言僧五十人住東寺學密教其  
時院宇未備不遑僧居今房舍已成乞東  
寺官家功德料千戶內二百戶充僧供爲  
國修法制可空海又奏金剛頂經毗盧遮  
那經業二人聲明業一人置年度精究密  
學正月二十二尚書省符降

三年春夏五月置三齋月修于東寺灌頂院

東寺長  
者職自  
慧始

釋實慧為東寺長者秋冬

承和三年五月詔曰每歲三長齋月於東  
寺灌頂院撰三七比丘修息災增益法鎮  
護國家為永式沙門實慧有密學教為東  
寺長者此任自慧始

四年春復五月置五品寺司秋冬

承和四年五月詔曰傳聞近城諸寺寺規  
放廢自今以文武官五品中察直者為寺  
司促復之

正五九  
三個月七  
佛說此三  
月之美  
勝於他時  
也長者  
善之義也

寺奉行也

五年春夏六月沙門慧運圓仁等赴唐秋冬  
十有二月置佛名懺于宮中

承和五年六月遣唐使藤常嗣發運仁等  
從之十二月佛名懺三日依沙門靜安奏  
也

六年春復秋七月轉大般若經于紫宸殿九  
月沙門常曉獻太元帥像冬

承和六年七月紫宸轉經沙門六十人達  
觀各有老大法師位賜度者各一人法師

位以下各授一階

七年春復六月賜法琳寺千沙門常曉秋冬移修寂勝會于大極殿

承和七年六月常曉奏山州字治郡法琳寺地勢閑燥宜修大法乞以太元帥像安此地為修法院保護國家制可此歲寂勝會移大極殿

八年春正月轉藥師經于清涼殿復秋冬

承和八年正月清涼殿轉經沙門五十八

人各觀度者一人

九年

承和九年

十年春夏秋冬十有一月沙門泰景為僧正

承和十年

十有一年

承和十一年

十有二年春三月轉大般若經于三殿復秋冬

承和十二年三月紫宸清涼常寧三殿及真言院轉經沙門一百人兼修陀羅尼法



各親度者一人攘官怪也

十有三年春夏秋冬十有二月納宮租于定  
心院

承和十三年初帝於台山建定心院至此  
以近州租三萬束充佛僧之供

十有四年春夏秋九月沙門慧運圍仁至自  
唐冬

承和十四年

十有五年春二月設拔萃度于省中夏六月

辛巳改元嘉祥秋冬十有一月置藥師寺講  
師

嘉祥元年二月於八省試持經持咒拔萃  
者於是乎負笈杖錫自四方至者數百人  
得弟子七十餘人皆以延字為上字六月豐  
後州獻白龜依是十三改元十一月下野  
州言藥師寺者天武皇帝之所創也院宇  
巍巍死如七大寺資產亦多東關十州得  
度者咸萃於此而無講師令國講師勾當

寺事未諸故實未觀所由伏乞准大宰府  
觀世音寺例擇戒壇十師之中智行具足  
為衆所推者任講師兼為受戒阿闍梨制  
可

有六年 嘉祥二年

十有七年春二月度五百人丁酉天皇禪位  
于皇太子夏五月度七十人秋冬

嘉祥二年三月十九太子受禪五月七十  
之度薦明神也故以神字為上字

為神明法也

元亨釋書卷第二十三

元亨釋書卷第二十四

濟北沙門 師鍊 撰

資治表立

起仁壽至承平合七十八君

△仁壽皇帝 第五十五号 文德天皇

元年春正月庚辰改元仁壽秋七月  
冬十月

仁壽元年辛未正月不書即位去歲四月  
也帝承和長子諱道康四月二十八改元

此歲當宣宗大中五年也

二年

仁壽二年

三年

仁壽三年

四年春復秋冬十有一月庚戌改元齊衡

齊衡元年十一月二十九改

五年春夏五月置度者于氣多神宮寺置于

氣比神宮寺秋九月沙門長訓為僧正冬

齊衡二年五月能州氣多神宮度者三人

越州氣比神宮度者五人為年分也

六年春三月天皇薩頂于冷泉院夏秋八月

設持咒度干神泉苑冬十月沙門真濟為僧

正

齊衡三年三月帝從圓仁阿闍梨稟灌頂

八月敕召持咒沙彌於神泉苑試之有感

者賜度十月真濟之僧正密徒之始也

七年春二月戊子改元天安夏秋冬

天安元年二月二十改

八年春復沙門圓珍至自唐秋八月乙卯天

皇崩冬

天安二年八月之前二十七也

△貞觀皇帝 第五十六号 清和天皇

元年春正月復四月辛巳改元貞觀秋七月冬十月八幡大神移男山

貞觀元年巳卯正月不書即位去歲十一

月初七也帝仁壽弟四子諱惟仁四月之

改元十五也此歲八幡移鳩嶺事在行教

傳中當大中十三年也

大安寺  
卷十感進中載

二年春二月僧正真濟寂夏秋冬

貞觀二年

三年

貞觀二年

四年春復秋七月舉貞觀寺冬沙門真如宗

睿赴唐

貞觀四年七月二十嘉祥寺西院賜名貞

觀寺舉何顯也初混嘉祥今得別号顯舉

之謂也此歲如睿二師入唐

五年

貞觀五年

六年春正月辛丑釋圓仁寂二月定僧階三月印戒牒夏秋七月天皇灌頂于仁壽殿冬釋真雅聽輦車

僧中三階

貞觀六年二月十六敕曰國典僧綱元有三階滿位法師位近來賢愚濫揉似無尊卑今三階之外更立三位法橋上人位法眼和尚位法印大和尚位此三位以為三綱階法印位為僧正階法眼位僧都階法橋位律師階者依真雅奏也三

詔正  
如  
肇  
自  
雅

月戒壇院設印印於戒牒其印用東大寺印模依沙門寂教奏也七月上就阿闍梨圓珍灌頂僕射藤良相等入壇者三十余人此歲真雅賜輦車詔比丘之輦自雅始七年春三月嚴度戒學夏秋九月沙門壹演為僧正冬十有一月沙門宗叡至自唐

貞觀七年三月僧都兼運奏謹案舊例凡得度者先與度綠次令入寺就中年度者經二年精練沙彌行臨時度者經三歲然

後聽受戒每歲三月以前僧綱放牒諸寺  
 今上當年受戒者名而乃會集綱所禮部  
 鴻臚二宮共勘名籍試法華取勝威儀三  
 經即簡年二十以上六十已下熟前件三  
 經者更牒本寺三七日修悔過四月十五  
 日以前定其受戒日請傳戒大小十師於  
 東大寺戒壇依教問十三難及十遮然後  
 登壇受戒受戒畢籍戒壇院老教授師一  
 夏九旬修學比丘二百五十戒三千威儀

回茲戒業誓鎮國家或居本寺請依止師  
 細學律相若失年未滿二十或七十以下  
 并朝廷不許之人負債之輩黃門奴婢之  
 類非戒器故佛不聽受頃年之間非唯忘  
 卻舊例兼復違背佛教或臨受戒日纒下  
 官符新剃頭髮初著袈裟冠幘之痕頭額  
 猶存或十許歲少年人徒有貪名之外謀  
 渾無慕道之中誠未練沙彌之行況於懺  
 悔之事乎加以結番之場競上下而鬪亂

登場之次爭先後而拏攫遂則罵詈有司  
陵轡十師濫悖之甚不可言也夫得表無  
表戒名曰受戒於三師七證前殷勤至誠  
作禮乞戒之下發得防非止惡之功能名  
曰表戒羯磨之下發得非色非心成佛殊  
勝之功能名曰無表戒既無至誠禮敬心  
安得表戒表戒未得何得無表戒無表戒  
已不得何名得戒登壇已後不學律相故  
不知持犯不知持犯亦不修安居不修安

僧正有三品

居何稱比丘伏氣依舊例兼遵佛制然則  
緇徒感激濫惡自止戒壇清靜佛法興繁  
國土之豐樂不期而來內外之災殃不攘  
而去制可九月壹演法師為僧正凡僧正  
有三大正權也大行基始之正觀勒始之  
權演始之

八年春夏六月釋安慧為延曆寺座主秋七  
月丙申釋寂澄賜謚傳教大師圓仁慈覺冬  
貞觀八年六月安慧為天台座主尋常座

寂澄圓仁  
兩師賜謚  
大行基  
寂澄入寂  
以後當四  
十五年



主不書易為書褒也。易為褒事見本傳七月十四澄任二公謚大師大師之号自此始語在無勤寺相應傳中。

九年春夏秋七月僧正壹演寂賜謚慈濟冬

貞觀九年七月慈濟之謚号是為始

十年

貞觀十年

十有一年春二月沙門遍昭賜法眼和尚位復秋冬

貞觀十一年二月遍昭之法眼位台徒綱

位之始

十有二年

貞觀十二年

十有三年

貞觀十三年

十有四年春三月度八十人僧正真雅管法發其秋冬

貞觀十四年三月詔曰大相國藤公朕之外祖父也比來寢瘵人傳醫巫不効朕食息不安寧伏聞內傳之中度人歸法能拯人厄宜賜度者八十人初空海師歸朝奏

曰昔不空三藏為唐國法務況國家曩設此任中不繼乞復救置綱所造印鑰凡僧官進退法事啓散皆能管行而海公不任印鑰納官三月十四真雅為法務先是居此任者五人推古三十二年觀勒始為僧正兼主法務天平十年信行為律師同日主法務勝寶八年慈訓律師法務賢字七年鑒真僧正法務天長四年護命僧正法務此五人絕而或續推之後法務不絕興

福祿延壽任大威儀師與雅同日主法務

是權也有正權

十有五年

貞觀十五年

十有六年

貞觀十六年

十有七年

貞觀十七年

十有八年春夏秋冬十有一月壬寅天皇禪

位于皇太子

貞觀十八年十一月二十九太子受禪

△元慶皇帝

第五十七号陽成諱貞明

元年春正月乙亥天皇即位夏四月壬申改元元慶秋七月冬十有二月舉元慶寺  
元慶元年丁酉正月初三帝即位于豐樂殿帝貞觀長子諱貞明四月改元二十一年也去貞觀十一年建伽藍十二月配紀元曰元慶寺置年度三人此歲當信宗乾符四年也

二年 元慶二年

二年春正月僧正真雅寂夏五月太上皇祝

真雅寂

髮度三十人秋冬十月沙門宗睿遍昭為僧正太上皇灌頂

元慶三年五月初八太上皇就沙門宗睿落髮受戒三十之度薦仁壽上皇也十月遍昭為權僧正台徒僧正昭為始此歲太上皇從睿公受兩部灌頂

四年春夏秋冬十有二月貞觀上皇崩度一百人

元慶四年十二月度薦太上皇也

五年

元慶五年

六年

元慶六年

七年

元慶七年

八年春二月乙未天皇遜位僧綱賀于東宮

轉大般若經于東宮修法于仁壽殿三月僧

正宗睿奔復五月監修廢寺六月起塔于賀

祥寺秋九月置阿闍梨位于元慶寺冬

元慶八年二月初四帝避位此日群臣捧

傳國寶璽劍等詣吏部王官五日王移東

帝暴惡  
群臣相議  
廢之故不  
書禪言  
避矣

宮六日三綱率諸沙門賀東宮十三延五

十沙門于東宮前殿轉大般若三日二十

四敕二十沙門修法仁壽殿五日五月詔

曰天下寺院廢朽相仍宜以各寺田產加

修造來冬仲月降監使檢察若有弛怠罪

不寬六月以近波二州租造五級塔于嘉

祥寺九月以惟首安然二師充元慶寺阿

闍梨位教授密乘依遍昭奏也

△仁和皇帝

第五十八号光孝天皇

元年春二月丁未改元仁和省僚署戒牒三月  
充度者于最勝講師夏四月轉大般若經  
千五寺修仁王百座會一百所秋九月納舉  
田于元慶寺加立義于維摩寂勝二會冬十  
月饗遍昭于仁壽殿

仁和元年乙巳正月不書即位去歲二月  
二十二也帝承和第三子諱時康嘗為吏  
部尚書屬元慶帝之避位群臣固請帝不  
得辭二月改元者二十一也礼部省言去

威儀呼從  
威儀呼也

六年六月僧正遍昭奏狀稱頃年受戒輩  
多不軌只以戒牒專為公驗自今受戒日  
省僚威從共向戒壇子細勘會官符度緣  
即令登壇受戒便取戒牒具注紙後以其  
本籍姓名省僚共押署以省印印之者伏  
乞往度緣三司共署印制可閏三月詔曰  
每歲正月大極殿齋講是先聖之所遵行  
也設齋講之座演最勝之經其講師者才  
名拔萃智德高邁宜給度者一人以代扶

老之杖立為式。四月於延曆寺東西院崇  
福梵釋元興五寺各請十僧轉大般若五  
日賀藤太師五十筭也。修百座仁王會於  
紫宸殿及諸司十二官門羅城門東西寺  
合三十二所并六十六州國分寺兼二嶋  
也。九月近州高嶋郡野地納元慶寺墾田  
凡一千五百畝興福寺維摩會藥師寺最  
勝會加立義沙門各一人。十月饗僧正遍  
昭賀七十筭也。三分皆預席夜談至曉不

賀歲筭者非僧禮也故不書也

書官非禮也。此歲當光啓元年也。

二年春二月僧正遍昭賜封戶聽輦車夏秋  
冬十月沙門朗善入宮釋圓珍護摩于紫宸  
殿

仁和二年三月十四詔曰僧正遍昭慈仁  
為性智德在躬所以朕之不膺鴻業撫育  
兆民者皆公之潛加冥祐也。况公未入釋  
門朕亦在列藩恩交相結盟約共深雖逸  
塵外猶在宮中故割百戶以充禪供亦聽

見莊子猶  
言佛家解  
脫

輦車鳴乎至人懸解上德難名物外浮榮  
雖知非公之好人間崇飾聊又寄朕之懷  
十月帝不豫召梵釋寺朗善加持聖躬又  
詔延曆寺座主圓珍於紫宸殿修護摩法  
五日帝疾愈善珍同加上病何姓至不姓  
善善公加疾不明故族書入宮珍公有効  
故書姓貴之

三年春三月加年度于延曆寺夏秋八月丙  
寅天皇崩冬十月轉大般若經于宮中修法

行觀行親天下耆僧尼

大比春  
小比春  
二神  
法華也  
俗云大  
比春

仁和三年三月年分度二人加延曆寺其  
一大毗盧遮那經業其一一字佛頂輪王  
經業資二神大小比春因座主圓珍請也  
八月二十五帝崩十月一百沙門讀大般  
若于宮中又十五名德期一七日修法宮  
中散日賜觀于御前此歲天下僧尼八十  
歲以降行觀敬老也

△寬平皇帝

第五十九号宇多院

元年春正月改元寬平夏四月秋八月慶仁  
和寺冬十月

寬平元年戊申正月不書即位去歲十一  
月十七也帝仁和第三子諱定省古史仁  
和四年連帝初年改元在己酉四月二十  
七今以即位次年立元雖與孝德例後先  
不齊史法同焉八月仁和寺落成沙門真  
然為慶導師此歲當文德元年也

一年春復五月八幡神藏震秋七月頒孟蘭

盆供于諸寺施燈油于寺祠冬十有二月獻  
道具于八幡神祠

寬平二年五月石清水寶藏震大史筮曰  
病在聖躬帝曰朕雖至愚頗慎言行況歸  
三寶且暮修懺縱有微恙不至大故然當  
各徵不可逸豫只夫天地神靈證之耳而  
無事君子曰宋公善言冷皇沒焉夙慎言  
行勤修懺何災之有自信不疑天皇之謂  
乎七月孟蘭盆供薦先皇也其納燈油七



所延曆西塔院神護圓成長谷東西寺八  
幡神祠也十二月石清水大神託曰欲得  
菩薩服色道具救獻瓔珞香爐念珠等  
三年春正月僧正遍昭寂夏四月灌佛于官  
中秋冬十月沙門真然為僧正

寬平二年四月設浴佛于宮皇帝太子公  
卿皆各灌佛

四年春夏秋九月僧正直然寂冬十月庚子  
釋圓珍寂

寬平四年

五年

寬平五年

六年

寬平六年

七年春夏秋冬十有二月僧都益信律師聖  
寶管法務

寬平七年十二月益信法務正也聖寶權  
也尋常小官不書曷為書見法務在僧都  
及律師不必僧正也

八年

寬平八年

尋常祈  
日食者雲  
遮或陰雨  
降心為  
驗室佛  
死修勿止  
倍受之修  
可律法  
至也

九年春正月天皇幸雲林寺復秋冬

寬平九年雲林寺幸者閏正月也

十年春夏秋七月戊寅天皇禪位于皇太子

九月朔釋聖寶祈日食冬

寬平十年七月讓位者初五也九月朔日

有食之詔沙門聖寶祈焉天晴不虧救觀

御衣

昌泰皇帝 第六十 早醍醐天皇

元年春正月復四月乙丑改元昌泰秋七月

冬十有二月修吉祥懺于天下

昌泰元年戊午正月不書即位去歲七月

十三也帝寬平長子諱敦仁四月改元二

十六也此歲當昭宗光化元年也

二年春夏秋冬十月太上皇祝壽十有一月

太上皇受戒于東大寺

昌泰二年十月十四上皇從沙門益信出

家法諱空理十一月二十四登東大寺戒

壇

支那法  
禁私壇  
法也

三年春三月沙門益信為僧正復秋冬十月  
道皇幸高野山本朝法王ノ号自道鏡始鏡者倭臣也何以其号名後來有徳ノ王哉故此書改法王曰道皇矣

昌泰三年十月道皇何寬平上皇也曷為  
道皇受道上皇也

四年春二月禁私修壇法復秋七月甲子改  
元延喜冬十月慶讚大藏經于淨福寺十有  
二月道皇灌頂于東寺

延喜元年七月改元十五也十月太上皇  
詔沙門增命慶讚淨福寺大藏經十二月

太上皇於東寺從僧正益信灌頂金剛号  
金剛覺

五年春三沙門聖寶為僧正復秋冬

延喜二年

六年 延喜二年

七年春二月道皇營室于仁和寺夏秋冬營  
室于睿山

延喜四年二月上皇搆一堂於仁和寺安  
金剛界三十七尊及外院天等三摩耶形

上皇禪居側室俗曰御室是歲上皇幸睿山千光院造御室千光院者增命坊也  
八年春正月天皇幸仁和寺夏四月道皇受戒于睿山秋九月道皇幸金峰山冬十有二月施縣千平城耆年

延喜五年正月仁和寺幸者觀上皇也  
二月敕僧正聖寶檢平城諸寺比五年八月已下上名簿就穀倉院行綿  
九年春三月僧正益信寂夏秋冬十月道皇

賀沙門增命座主

延喜六年二月十八增命為天台座主  
十月上皇上山賀之

十年 延喜七年

十有一年 延喜八年

十有二年春夏秋七月僧正聖寶寂冬

延喜九年

十有三年春夏四月灌佛于宮中秋九月道皇灌頂于睿山

聖寶寂

延喜十年四月浴佛觀賢為導師九月上  
皇票灌頂於座主增命帝聞之授命以法  
眼和尚位上皇手捧詔與命及袈裟數珠  
香爐等

十有四年

延喜十一年

十有五年

延喜十二年

十有六年

延喜十三年

十有七年

延喜十四年

十有八年春夏釋增命愈天皇疾秋冬

延喜十五年天下痘瘡帝患之召命法師  
加之乃愈

十有九年春復秋冬十月釋增命陪宮

延喜十六年宮中有疾十月召命公陪宮  
持念十一月歸山帝賜御衣

二十年

延喜十七年

二十有一年春夏秋八月道皇行灌頂于大  
學寺冬

延喜十八年八月上皇於大學寺行灌頂

事沙門寬空仁无等七人同禀ノ

二十有二年春夏秋七月天皇受二經于釋

增命冬

延喜十九年七月初五帝召增命座主於  
仁壽殿西廂受金剛般若經七日受妙法  
蓮華經救待臣源公忠藤在衛預聽八月  
初三命歸山觀具甚多

二十有三年 延喜二十年

二十有四年春夏秋冬十月釋空海賜謚弘

空海賜謚弘法未  
修入滅後  
八十八年

法大師

延喜二十一年十月海公大師謚依觀賢  
奏也

二十有五年春夏秋七月釋增命解座主冬  
延喜二十二年七月命公上表辭座主位  
帝不許表凡五度帝遣羽林次將藤實賴  
入山賜宸書有恐違師之素懷無遂朕之  
本志之向尋常座主補退不書曷為故書  
解褒也曷為褒褒睿懇也

二十有六年春正月丙戌改元延長三月釋  
增命陪宮夏五月命公為僧正法勢秋冬  
延長元年正月改元十一也三月營靈齋  
厲都下震恐二十一皇太子保明俄薨帝  
大懼召命公加讓侍臣夢神兵衛官城五  
月命公任法勢台徒之始  
二十有七年春二月天皇受如意輪軌平釋  
增命復秋冬

延長二年二月帝之受法二十一也

二十有八年春二月沙門觀賢為僧正復六  
月釋增命愈天皇瘡僧正觀賢寂秋七月釋  
尊憲法率于台山八月修法于勸修寺冬十  
月給衣糧于唐僧

延長三年六月初七帝瘡命公加持乃差  
夏旱七月十六詔尊憲法師法率于延曆  
寺憲修佛頂尊勝法限以七日第四日大  
雨八月二十三延一百沙門于勸修寺增  
命為導師薦太后也十月初七賜唐僧平

秀衣糧 湛與智琮糧

二十有九年春夏五月賜沙門寬建黃金秋  
七月轉經于七寺冬十有二月轉經于十有  
四寺行無遮施慶醍醐寺

融大臣者醜醜  
帝之名臣也  
魯福過人以故  
浮華豪家嗜世  
少比向或人之  
日域中佳境  
何所好者曰莫  
如與列之極密  
浦乃說其風景  
景云蓋其潮者  
使役夫數百人  
自屋前浦運之  
每日以百人相  
繼而運其池今  
河原院是之也

延長四年五月興福寺沙門寬建赴唐帝  
與黃金一百兩七月初四太上皇於七寺  
讀經薦龙僕射源融也初源靈託官人曰  
我生平惡作多故墮苦趣湯鑊劔林楚痛  
無量而我有餘習以劇苦之際時時來息

河原院耳敕問曰修何善脫此苦對曰罪  
根至深難容救拔然於七寺各修諷讀或  
免苦趣故有之十二月十九上都七六寺  
南京七大寺各諷經祝太上皇也今茲上  
皇六十然不許賀故天子修斯經會其十  
四寺施用甚繁又以穀一千二百石行無  
遠施二十八慶醍醐寺侍中尹甫監法事  
三十年春夏秋冬十月轉仁王經于宮中十  
有二月釋增命寂釋圓珎賜謚智證大師增

用珠賜謚  
智證大師  
從入寂三年  
六年後也



命号静观

延長五年十二月智證静觀二謚依沙門智祐奏也

三十有一年春復五月轉大般若經于紫宸殿秋冬

延長六年復疫五月二十二延一百沙門于紫宸殿讀大般若除疫也

三十有二年春三月釋尊意賜度者復秋冬延長七年春京畿疫三月詔睿山座主尊

憲修銷疫法七日後疫除賜度者三十二人

三十有二年春夏六月釋尊意陪常寧殿秋九月癸未天皇禪位于太子冬

延長八年六月二十一日民部卿尚書藤清貴

右中弁尚書右中丞平希世於清涼殿為雷震死帝惶怖遷常寧殿召座主尊意持念加護依菅靈激怒也九月二十三讓位太子二十九就尊意落髮受戒法諱金剛寶

△承平皇帝

第六十一  
号朱雀院

怕菅灵憤厲也

元年春正月復四月甲寅改元承平秋七月甲辰寬平道皇崩冬十月

承平元年辛卯正月不書即位去歲十一

月二十一也帝昌泰第十一子諱寬明四

月改元二十六也是歲當五代唐明宗長

興二年也

二年

承平二年

三年

承平三年

四年春釋尊意移烏巢夏秋冬

承平四年春烏巢弘徽殿前柿樹宮中以

為怪召算意修不動法二十七日日日鳥將

雛去七日皆盡

五年

承平五年

六年春夏秋冬十有一月行試經度

承平六年十一月試經度法勢外而特旨

也

七年

承平七年

恒例外臨時行也

八年春復五月戊辰改元天慶秋冬

天慶元年五月二十二改

九年春復秋七月釋尊憲法季冬

天慶二年夏旱七月詔意公祈雨期以七日第五之太雨洽

十年春正月釋淨藏明達伏逆臣平將門夏秋冬十有一月釋明達伏藤純友

天慶三年初前將軍平良持之子將門反東州已數年矣寇虐甚熾至此詔諸沙門

將門伏誅

修降伏法淨藏干延曆寺明達干美州中山神宮寺又官中修仁王會太元法壇中血出又東大寺寶索院於執金剛像前修降伏忽失像寺眾懼官師不利過二十餘日像復天冠衣巾少有缺壞膚濕如汗像失之間賊亡之時也蓋二月十四將門伏誅平貞盛射之藤秀卿得首十一月二十一敕明達於住吉神宮寺伏純友將門之餘孽也

十有一年 天慶四年

十有二年 天慶五年

十有三年 天慶六年

十有四年 天慶七年

十有五年 天慶八年

十有六年春復四月癸酉天皇禪位于皇太

弟秋冬

天慶九年四月讓位十三也

元亨釋書卷第二十四



